



Broj: JN- 201/16
Sarajevo, 25.01.2017. godine

Na osnovu člana 64. stav (1) tačka b) člana 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN- 201/16 od 06.01.2017. godine, u postupku nabavke usluga kolektivnog osiguranja uposlenika direktor Kantonalne javne ustanove za zaštićena prirodna područja je d o n i o

ODLUKU o izboru ponuđača

Član 1.

Prihvata se Preporuka Komisije za javnu nabavku, broj: JN-201/16 od 06.01.2017. godine, te se dodjeljuje Ugovor o vršenju usluga kolektivnog osiguranja uposlenika ponuđaču Bosna Sunce Osiguranje d.d., čija godišnja premija osiguranja po jednoj osobi iznosi 72,00 KM.

Član 2.

Ugovor o vršenju usluga dostavit će se na potpis izabranom ponuđaču iz člana 1. ovog ugovora.

Član 3.

Ova odluka objavit će se na web-stranici Javne ustanove www.zppks.ba istovremeno s dostavljanjem ove odluke izabranom ponuđaču.

Član 4.

Ova odluka stupa na snagu danom donošenja.

O b r a z l o ž e n j e

U Kantonalnoj javnoj ustanovi za zaštićena prirodna područja ukazala se potreba za nabavkom usluga kolektivnog osiguranja uposlenika za 2017. godinu od posljedica nesretnog slučaja (smrt usljed nezgode, smrt usljed bolesti, trajni invaliditet, troškovi liječenja).

Direktoru ove ustanove je podnešen zahtjev za nabavkom usluga. Procijenjena vrijednost usluga bez PDV-a je 1.600,00 KM.

Komisija za javnu nabavku imenovana je Odlukom broj: JN-201/16 od 26.12.2016. godine.

Obzirom na procijenjenu vrijednost usluga, nabavka je provedena putem direktnog sporazuma. U tom smislu komisija za javnu nabavku je izvršila istraživanje tržišta, te je pismeni zahtjev za prijedlog cijene upućen ponuđaču Bosna Sunce osiguranje d.d.

Pismeni prijedlog ponuda je dostavljen od strane gore navedenog ponuđača.

Nakon analize cijene ponude ponuđača, Komisija je dala preporuku direktoru da se ugovor o vršenju usluga kolektivnog osiguranja uposlenika dodjeli ponuđaču BOSNA SUNCE OSIGURANJE d.d. a rukovodeći se kriterijem „najniže cijene“.

Na osnovu gore izloženog, direktor je donio Odluku kao u dispozitivu.



DIREKTOR

Mr. sci. Osman Delić

Dostaviti:

- 1) Ponuđaču
- 2) Za objavu na web stranici Javne ustanove
- 3) U spis predmeta